

PODRŽITE 10. JAVNU DEBATU ZA DOBROBIT SVIH GRAĐANA BiH!

Br. Protokola 323/12

POZIV ZA DESETU JAVNU DEBATU „Počinioci i žrtve krivičnih djela su naša djeca – Sprječimo maloljetničko prestupništvo“

Put BiH ka Evropi u mnogome zavisi od mogućnosti bh. društva da se izbori sa aktualnim problemima. BiH je zemlja sa mnogo problema, ali i sa mnogo inicijativa za rješenje. Jedan od najaktualnijih problema, koji pogađa cjelokupno društvo, jeste maloljetničko prestupništvo, koje je od 2011. postalo i veći problem jer više ne postoji državna Strategija za borbu protiv maloljetničkog prestupništva. **Mediji gotovo svakodnevno izvještavaju o krivičnim djelima koje počinu maloljetni prestupnici, koji su nerijetko povratnici u činjenju krivičnih djela.**

MOLIMO VAS DA PODRŽITE NAJAVLJENU DEBATU PRISUSTVOM NA PRESS KONFERENCIJI I DEBATI.

Dana 28.09.2012. (petak), Centar za kulturu dijaloga (CKD), organizira Desetu javnu debatu „Počinioci i žrtve krivičnih djela su naša djeca – Sprječimo maloljetničko prestupništvo“ od 11.00 do 16.00 sati. Ciljevi javne debate su praćenje i analiza realizacije obećanih aktivnosti i planova za iznalaženje rješenja problema maloljetničkog prestupništva. Javna debata će biti organizirana u Hotelu Grand u Sarajevu. **PRESS KONFERENCIJA NA KOJOJ ĆE BITI PREZENTIRANI REZULTATI ISTRAŽIVANJA KOJE JE CKD PROVEO ZA PROTEKLI PERIOD, NOVE AKTIVNOSTI VLADINOG I NEVLADINOG SEKTORA, NOVI PLANovi I PROJEKTI VLADINIh INSTITUCIJA, KAO I ANOMALIJE U DODJELI GRANTOVA VLADE KS ZA PREVENCIJU MALOLJETNIČKOG PRESTUPNIŠTVA ZA 2012. GODINU, ĆE BITI ORGANIZOVANA U HOTELU GRAND U 10:30 SATI.**

Cilj Desete javne debate jeste prezentirati građanima dostupne informacije o maloljetničkom prestupništvu kao i omogućiti nesmetano postavljanje pitanja o temi predstavnicima relevantnih institucija. Ovaj cilj je u direktnoj vezi sa „**Izjavom o međusobnom kontinuiranom izvještavanju sa ciljem uspostavljanja transparentnosti rada svih angažiranih sektora i otvorenog dijaloga među njima u rješavanju problema maloljetničkog prestupništva**“ usvojenom na debati od 28.05.2010.

Poseban akcent bit će na prezentiranju i analizi obećanih-realiziranih aktivnosti i planova. Predviđeno je iznošenje sljedećih prezentacija i izvještaja za koje se očekuje, da ovoga puta, predstave predstavnici nadležnih institucija: Prezentacija pravosudnog sektora (Nadležna ministarstva FBiH i RS); Prezentacija pravosudnog sektora (Sud i Tužilaštvo: općinski, kantonalni, FBiH, RS, Sud BiH); Prezentacija sektora za socijalni rad (KS, FBiH, RS); Prezentacija obrazovnog sektora (KS, FBiH); Izvještaj Zavod Hum; Izvještaj Disciplinski centar Vogošća; Izvještaj KP Zenica; Izvještaj KP Kula; Prezentacija MUP-a Kantona Sarajevo; Prezentacija FMUP-a; Koordinaciono tijelo za implementaciju strategije u BiH; Prezentacija medija; Prezentacija NVO sektora; Prezentacija Grada; Prezentacija Vlade KS; Prezentacija Udruženja Vijeća roditelja BiH; Prezentacija Vijeća ministara BiH; Prezentacija Centra za kulturu dijaloga.

BH. društvo može i mora biti slobodno i sigurno. Zbog toga, svi trebamo raditi na aktivnostima smanjenja maloljetničkog prestupništva. Pokažimo svijetu, ali i sebi, da nismo odustali od društva u kojem je krivično djelo koje počinu maloljetnik izuzetak, a ne pravilo.

Kontakt osoba: Sanja Vlajsavljević (GSM: 00 387 61 269 587)

27.09.2012.

**PROJEKAT: „Počinioci i žrtve krivičnih djela su naša djeca –
sprječimo maloljetničko prestupništvo: u lokalnim zajednicama“**



MOZAIK
FONDACIJA
ZA RAZVOJ
ZAJEDNICA

„Program za poduzetnu omladinu“ je jedna u nizu aktivnosti koja se realizuje u okviru projekta koji finansira italijanska vlada, a implementira Svjetska banka u BiH.“



Općina Novo Sarajevo



Općina Ilidža